

**Dissertatio medica inauguralis, de epilepsia ... / Eruditorum examini subjicit  
Edvardus Croasdaile.**

**Contributors**

Croasdaile, Edward.  
University of Edinburgh.

**Publication/Creation**

Edinburgi : Excudebant C. Stewart et socii, Academiae typographi, 1799.

**Persistent URL**

<https://wellcomecollection.org/works/kuttjch9>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISSERTATIO MEDICA

INAUGURALIS,

DE

EPILEPSIA.



DISSERTATIO MEDICA  
INAUGURALIS,  
DE  
E P I L E P S I A ;  
QUAM,  
ANNUENTE SUMMO NUMINE,  
Ex Autoritate Reverendi admodum Viri,  
D. GEORGII BAIRD, SS.T.P.  
ACADEMIAE EDINBURGENAE PRAEFECTI ;  
NEC NON  
AMPLISSIMI SENATUS ACADEMICI Consensu ;  
Et NOBILISSIMAE FACULTATIS MEDICAE Decreto ;

*PRO GRADU DOCTORIS;*

SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS ;

Eruditorum examini subjicit  
EDWARDUS CROASDAILE,  
*JAMAICENSIS.*

Ad diem 24. Junii, horâ locoque solitis.

---

*Causa latet, vis est notissima.*

OVID. Met. L. iv.

---

EDINBURGI :  
EXCUDEBANT G. STEWART ET SOCII,  
ACADEMIAE TYPOGRAPHI.

---

M DCC XCIX.

ALEXANDRO DUMOLIN

EXAGENS

PICTA

VIVIUS CHIRURGIE SCIENTIA

ANATOMIA

CARISIMUS

PERZETIUM HOC

MINI

SCHEMATICUM

MAMIS BENIGNI LINCULI

OPATRITIO DEDICAT

ALLEGORIA MONTANA

LIBER

TRIBA

SOMNII

DAVROS CROSBY

ALEXANDRO DUNLOP,

GLASGUENSI,

IN SIGNI CHIRURGIE SCIENTIA,

CLARISSIMO,

PEREXIGUUM HOC

ANIMI

MAXIMIS BENEFICII VINCULIS

OBSTRUCTI,

TESTIMONIUM,

PALAM,

TRIBUIT,

EDWARDUS CROASDAILE.

ENGAGED SUGARINE

TRUSTED

COFFEE

MILK MONITOR

CLASSIC

211500171105147342 211500171105147342

LEMON

204 211500171105147342

CHOCOLATE

211500171105147342 211500171105147342

CHOCOLATE

211500171105147342



Digitized by the Internet Archive  
in 2020 with funding from  
Wellcome Library

<https://archive.org/details/b31966676>

ANNUAL OFFICERSHIP

SECRETARIAL

24

1892-1893

Molocca's annual meeting was held at the Hotel  
Metropole in New York City on May 11, 1903.  
The meeting was opened with a short address by  
the President, Dr. J. H. Moore, followed by a  
reading of the minutes of the previous year. The  
President then reported on the work of the  
Committee on the proposed International  
Medical Conference, which was adopted.  
The Secretary reported on the work of the  
Committee on the proposed International  
Medical Conference, which was adopted.

DISSERTATIO MEDICA

INAUGURALIS,

DE

EPILEPSIA.

---

AUCTORE EDWARDO CROASDAILE.

---

MORBORUM, quibus hominum genus opportu-  
num est, nullus forsan saepius quam Epilepsia  
medicinæ vires elufit: non solum enim cerebro  
muneribusque inde pendentibus damnum perenne,  
plus minus grave, ferè semper infert; sed etiam  
vitam ipsam subito interdum extinguit.

Dira ejus signa tantum interdum astantibus  
terrorem incutiunt, adeoque supra naturæ vires  
posita videntur, ut antiquitus numinis irati effec-

A

tus

tus habita fuerint. Hinc nomen *Morbus sacer*, quo quidem, qui in sacrosanctâ scripturâ *Dæmoniaci* appellantur, laborâsse videntur.

Malum enim inveteratum, et solitò gravius efforam infaniam, quæ miseros, paroxysmorum etiam intervallis, nunquam deserit, interdum comitari observatur.

Plura alia nomina eidem ab Antiquis indita sunt ; morbus, nimirum, *comitalis* ; morbus *sonticus* ; morbus *caducus* ; morbus *puerilis* ; apud Celsum morbus *major* audit : porrò morbus *Herculeus*, quòd Hercules eodem laborâsse, creditum est ; vel potiùs, innuente Galeno, quo ingens mali gravitas significaretur, nominari solebat. Num hæc affectio morbis acutis, aut vetustis annumerandus sit, acriter inter veteres disputatum est : Hi illis, illi his ; alii utrisque, accensuerunt \*.

Epilepsia rectè a Culleno definitur,

“ Musculorum convulsio cum Sopore †.”

## HISTORIA

\* Aretæus Capp.

† Synop. Nosol. Method. T. II. G. LIII.

## HISTORIA.

Forma, quā hæc affectio in diversos impetum facit, parum quidem variatur. Epilepsia idopathicā, seu exquisitiore mali specie, æger nullo interdum temptationis prænuncio signo, saepius autem vertigine, visus, auditus, et olfactus, depravatione, et per se sensu cuiusdam in aliqua membrorum, aut corporis truncī, parte moti, prægressis, subito humi sternitur.

Aeger modò flabro, modò vapore gelido, modò fluido, et saepe insectis, ab aliqua remota corporis parte repentibus, hunc sensum peculiarem confert, qui simul ac aliis cor, aliis caput, attigit, Epilepsiae temptationem concitat. Hic sensus est qui ab scriptoribus Aura dicitur Epileptica.

Haec in immani consistit omnium ferè motus voluntarii musculorum, mobilissimorum praesertim, distortione, quae alternâ capitis elatione, humilitate, et rotatione, insignitur; oculis saepe simul horrendum volutis, saepius autem immobilibus,

ibus, ita ut tunica *albuginea* sola per palpebras semiapertas confosci possit.

Hic quidem effectus, postquam causa, unde proximè pendet, agere cessat, saepe permanet; aegerque interdum, rariùs quidem licet, per vitam reliquam strabo fit.

Alii simul oris musculi spasmo rigentes risum exhibent *sardonicum*, qui cum clonico plurium genarum, et praesertim maxillae inferioris muscularum, spasmo alternantur.

Dentes interdum ingenti, quâ hi musculi contrahuntur, vi, labefacti ex alveolis truduntur, et interdum, quamvis hoc rariùs fiat, ipsa maxilla luxatur. Aretaeus pueri exemplum, cui maxilla inferior ex hac causa, partem anticam versus, luxata est, literis tradidit. Malum, osse, finito morbi impetu, in artus non reducto, per totam complurium quidem annorum vitam immedicable mansit \*.

In omni ferè genuinae Epilepsiae exemplo, aeger albida et spumeam ore et naribus effundens.

\* De caus. et sig. morb. acut. Lib. I. Cap. V. Pars. I.

dit materiam, adeo interdum viscidam, ut filatim distrahi queat. Haec saepe sanguine a linguâ, ingenti muscularum vi exsertâ, tumescente, et dentibus faeviter fauciâtâ, profluente, terribile visu, tingitur. Artus quoque gravi convulsione agitantur, adeo ut eorundem flexura, extensio, aliquique motus et situs mirandi, brevi quidem fiant: Pollex praesertim vehementius convellitur, et volam versus plerumque trahitur, quod impetus gravioris signum haberi potest. Hac convulsiones leviter aliquamdiu remittunt, subito, et magnâ vi iterum reddituræ: Artus verò interdum, convulsionum vice, rigescunt, aegerque, statuae instar, immobilis fit. Internae quoque corporis partes spasmis graviter affici videntur: hoc ex spiritu difficile, ructu, vomitione, ventris murmure, stercoris et urinae, aegro infcio, dejectione, feminisque emissione, haud raris tentationis comitibus, patet: hi quidem effectus malè, me judice, muscularum, quorum est ostia claudere, paralyxi tributi sunt: spasmo enim muscularum acceleratorum potius imputandi videntur.

Spirandi

Spirandi difficultas ad rhonchum usque aucta  
quae strangulationem minitatur, totius paroxys-  
mi comes est : nec raro cor gravius palpitat.

Venae per totum corpus admodum tumidae  
sunt : facies plerumque, praecipue circa labia, et  
oculos, livefcit, aut subcaerulea fit, temptationis fi-  
nem versus livida aut nigra evasura.

Arteriarum conditio vitalia, per totum mali  
impetum, insigniter turbari indicat : hoc ineunte,  
arteriae celerius et exilius micant, inclinato,  
et finem versus, pleniuss, tardiuss, ac languidiuss,  
digitum feriunt. Laryngis musculi spasmis a pa-  
roxyymi initio usque convelluntur : hinc ingens  
faepe aegro corruenti clamor erumpit.

Horrenda ista signorum caterva, ubi vitam non  
abrumpit, interdum paucula tantum minuta,  
faepius autem horae quadrantem, aut semifsem,  
commorata, paulatim remittit : tempus autem,  
quod durat, in diversis exemplis, admodum di-  
versum est. Remissionis indicia sunt spiritus li-  
berior, musculi laxati, et sudor prorumpens ;  
quos altus excipit sopor, ei, qui nervorum reso-  
lutione afficiuntur, consimilis : ex hoc aeger,  
omnium

omnium paroxysmi rerum nescius, tandem ex-  
pergiscitur.

Membra autem jam, ut rectè observatum fuit,  
ab initio torpent; capitis gravitatem, aut dolorem  
debilem ac languidum, sentiunt; pallor in ore  
sedet; timore, et moestitia, p̄ae fatigatione, et  
pudore, ex morbo oriundis, afficiuntur \*.

Multis sensuum stupor et memoriae debilitas,  
inde nata ad insigne tempus supersunt: saepe  
autem evenit, ut aeger ad perfectam sanitatem,  
justumque omnium functionum usum, brevi redu-  
catur.

Signorum narrationem perlustrantes, quaedam  
gravissimum mali impetum indicantia, seminis  
praesertim jaculationem, invitamque steroris et  
urinae dejectionem, memoravimus. Impetus  
noctu, quam diu, procliviùs fit, signaque, pro-  
grediente morbo, hujus causis, diversisque aegri  
rebus, haud parum variantur. Swietenius non-  
nulos, qui paroxysmo quotannis afficiebantur  
vidisse se narrat. Alii bis anno, vere, scilicet, et  
autumno,

\* Aretæus loco citato Cap. V. p. 3.

autumno, alii semel mense, et alii plenâ, et filente lunâ, vel bis mense, mali temptationem pati solent: alii denique, ut idem auctor refert, plures mali impetus eodem die experiuntur \*.

Convulsiones unâ corporis parte interdum contentae sunt: hoc autem rarum est.

Hujus morbi effectus sunt modò mentis functionum laesio; modò nervorum morbi; alias affectiones spasticae, quae inflammationem, et etiam gangraenam, inducunt, alias apoplexiā; aeger denique aliquo cerebri vase ruptâ, improvisâ vi lethi rapitur.

### DIAGNOSIS.

Nervorum distentio aliis morbis haud facilè plerumque confundi potest. *Paralysis* ab eadem musculis flaxidis et immobilibus, et praesertim viribus horum, qui motui voluntario inserviunt, deficientibus, facilè distinguitur.

Nec

\* Commentar. Vol. X. p. 306.

Nec a Catalepsī, in qua licet sensuum actio suspendatur, corpus tamen eundem membrorum situm, quiem, morbo invadente, habebat, constanter retinet, difficilius internoscitur. Ab apoplexia sopore alto et constante, qui sensuum, et motus voluntarii, cessationi accedit, dignoscitur. Verum est quidem nervorum resolutione affectos, aliis morbis laborantium instar, convulsionibus morte instantे, agitari: hic autem convulsiones affectionis cuiusdam primariae effectus sunt. Tetanus, sensu superstite, saltem non abolito, facile ab eadem secernitur.

Hysteriae autem violentiori nervorum distentio intermisceri maximè periclitatur; globi autem sensus ad ventriculum et fauces ascendentis; urinæ limpidae copia profusa, hysteriae impetum plerumque praegressa; convulsiones in morbo majori graviores longè, et generaliores; aetas aegrotantis, epilepsia enim plerumque ante pubertatem, hysteria rarissimè, invadit; animi affectus; in hysteria mortis timor ferè perpetuus, et plerumque fletus, et risus, sine evidente causa, subitò se invicem excipientes; et denique oris

spuma et sopor profundus, constantes morbi sacri comites, utramque affectionem separant.

At nihilo tamen minus, exempla interdum occurunt, ubi utriusque affectiones signa adeo si bi invicem intermiscentur, ut diagnosis difficilli ma, immo interdum impossibilis fiat; hujusmodi exempla Hysteria Epileptica audit.

Hic loci animum ad Epilepsiam simulatam advertere haud abs re erit; saepe enim utrum affectio simuletur, necne, novisse proderit; hoc enim cognito, ne vera fiat, quod saepe evenit, caveri potest. Quotiesquis in hujus fraudis suspicionem venit, monemur ut lucernam, aliudve lumen splendidum ipsius oculis objiciamus, observantes simul num pupilla se contrahit, quod in epilepsia simulata plerumque fiet. Vel si, arteriarum pulsus rimantes, cutem unguibus acrius vellicamus, dolor inde natus fraudem indicabit. Verâ autem epilepsia laborantibus tantus est sensuum torpor, ut etiam si in ignem incident, et caro ad os usque uratur, nullus sentiatur dolor. Hujusmodi mihi casum vidisse contigit, ubi aeger ad tempus insigne paroxysmo immunis evasit, quod ingenti humorum detractioni

detractio*n*i, ustione effectae, tribuendum vide-tur.

### CAUSAE REMOTAE

sunt occasio*n*ales et praedisponentes: illae a Culleno in duas varietates distribuuntur; *imo.* nimirum, in eas quae cerebri vim recta stimulando et excitando; et *2do.* illas, quae eandem minuendo vel sedando, agunt: illarum effectum *incitationem*; harum, verò, *collapsus* nominat\*.

Causae, incitatione agentes, eae manifestè sint oportet, quae effectus fuos in cerebrum, nullâ aliâ re interveniente, edunt; vel hoc praeviâ aliae corporis partis incitatione, excitant. Quae primo modo malum concitant, eae ad quatuor capita retulit, quorum primùm sunt,

*Stimuli mechanici*, quibus annumerantur omnia quotquot cranium faucent, et cerebrum penetrant, et irritant; cranii fracti frusta, vel os in mucronem ex parietibus cranii interni, aut cerebri

\* First Lines, Vol. III. p. 350-351.

rebri membranis, excrescens, eodem modo agen-  
tia \*.

His accenserি debent vis externa, iictu, aut  
lapsu, capiti illata, sanguis extra venas effusus, se-  
rum, aut acris materia, intra cranium, et denique  
quidem cerebri ipsius morbi.

*zdo. Stimuli Chymici* : humores ex variis cau-  
sis in aliqua cerebri parte existentes, et stagnando  
acres facti, quādam actione chymicā, paroxysmo  
occasione praebere possunt.

*3tio. Hi animi affectus* qui incitatione agunt :  
gaudium, putà, et ira : illud cerebri vim validè  
et rectà excitare manifestum est : nec hanc qui-  
dem minus clarè eodem modo agere patet.

Huic causarum capiti annumerandus esse vide-  
tur effectus, quem mali conspectus astantibus,  
eandem nimirum affectionem, haud raro affert ;  
et epilepsiam simulatam tandem in veram mutat.  
Cullenus, quò hoc confirmet, ad *Exorcismi*, atque  
*Quietismi*, historiam lectores provocat †. Imag-  
natio

\* First Lines, Vol. III. p. 352-353.

† Idem, p. 355.

natio insigni in morbis, ante hallucinationem haud existentibus, non solum fingendis, sed etiam revera inducendis, vi pollet.

Atrâ bile percitus, qui Boerhaavium audiebat, omni se morbo, in Professoris doctissimi praelectionibus descripto, affectum opinari solebat. Hujus viri imaginatio eò usque aestuabat, ut quibusdam ex cuiusvis morbi, de quo ageretur, signis, revera affici videretur \*. Utrum hi effectus mirandi horroci, an merae imitationis vi tribuendi sunt, parum quidem certum est. Exemplum hoc genus maximè insigne, in Valetudinario Harlemensi, florente celeberrimo Boerhaavio, evenit.

Puella in Valetudinario jam dicto perterrita, convulsionibus corripitur: undique visum, aut in auxilium, accurritur; omnes dicto citius convelluntur. Contagio biduum vulgata, omnes ferè deinceps, quemque ex alio laborante viso correspondunt, Valetudinarii pueros, puellasque, tandem exercuit. Valetudinarii medici convocati medicamenta, quae maximâ in spasmis sedandis vi pollent,

\* Zimmermann, p. 277.

pollent, frustra dant. Tandem Boerhaavius ipse arcessitur ; vir sagax, causâ, quae morbum vulgavit, perspectâ, rationem, quâ imaginationem graviter afficeret, inire statuit. Ideo plures fornaces, portatu faciles, carbone ardente, quo hamiferrei incandescerent, instructas, in diversis Valentudinarii cubiculis, collocari jussit. Aegrotantes simul nullam jam medicinam, quâ sanari potuissent, praeter ferrum candens superesse, intentatam, certiores fecit ; quo facto, famulantibus mandavit, ut quicunque, sive puer, sive puella, morbi tentatione primò corriperetur, ei brachium ferro candente ad os usquè comburerent. Tantus omnes, hâc sententiâ auditâ, invasit pavor, ut redituro impetu, animo obfirmato feliciter restiterint.

*4to. Distentio nimia vasorum cerebri* ; hoc rectâ stimulando malum concitat : Cadaverum enim hoc morbo peremptorum incisio, praegressi sanguinis in vasis cerebri congestus, indicia prodidit. Hujus congestus causae sunt cerebri ipsius tumores, plenitudo totius corporis nimia. Bonetus exemplum hujus causae insigne memoriae prodidit :

dit: Juvenis, nobili profapiâ oriundus, annum decimum tertium circiter agens, athletico plenoque corporis habitu praeditus, copiose pransus, et dein nimiâ corporis exercitatione, datatim iudendo usus, subito convulsus corruit: Sanguis magna copia e naribus profluxit; quamvisque medendi ratio maximè idonea adhibebatur, iteratis, sedecim horarum spatio, convulsionibus sublatus fuit. Cadavere inciso, vasa cerebri sanguinea admodum frigida, sanguisque extra eadem effusus, reperta sunt \*.

Calor magnus corpori aliquà, cubiculis, putà, calidis, insolatione diutinâ, morbum efficacissimè concitant: hinc in regionibus, ubi calor aestivus ingens est, meffores saepe in agris incessit. Ebrietas, mania, et quicquid sanguinis circuitum caput versus praeter solitum festinat, morbum itidem excitant.

Causae, quae interveniente aliis corporis partis incitatione, cerebri vim nimis excitando mali tentationi ansam praebent, sunt admodum numer-

\* Sepulch. Anat. Lib. I. Sec. 12. T. I. p. 294.

rosae: inter has eminet infantum dentitio, qui, dentibus per gingivas erumpentibus, nervorum distentione haud raro corripiuntur; vermes intestinis hospitantes; calculi in renibus \*, aut vesica; pus aut serum acre in cerebro, ejusve membranis, existentia †; aut acria quorundam, putà; morborum contagiones, in sanguinis massam diffusa; animi affectus; odores quidem, partium valde sensilium vulnera; pressus denique aliquà nervo insigni, aut tendini, illatus; hic aurae epilepticae causa interdum extitit; cuius insigne exemplum, exciso corpusculo cartilagineo, notabilem, cruris nervum comprimente, sanatum litteris mandatur ‡.

Secundae stimulorum indirectorum divisioni metus; horror; sanguinis exinanitio, quae raro exitium sine convulsionibus affert; venus nimia; moestitia; metus; terror; assidua et gravior animi, ingenio praestantis, intentio; mensium, haemorrhoidis, et urinae, suppres-

fio;

\* La Motte, *Traité complet de Chirurgie*. T. II. p. 416.

† Pifos. *Observ. et concil. de morb. a seros. Colluv.*  
Sect. 2. Part. 2. C. 7. p. 159.

‡ *Edinburgh Med. Essays*, Vol. IV. No. 27. p. 334.

sio, aut difficultas; quibus accenseri possunt inedia, crapula, dolor corporis acerbus, cardialgia, *affectio hysterica*, variolarum contagio, podagra repulsa, et denique venena in corpus recepta, quae, quoties exitium afferunt, convulsionem violentissimam excitant.

Cùm multae ex causis jam enumeratis in corpus frequenter, nulla nervorum distentione concitatâ, agunt, causae quaedam praedisponentes necessariè existant, jure colligamus oportet.

Harum praecipuae videntur,  
 1mo. Labes haereditaria; haec licet ab avis, proavis, vel etiam atavis, non a parente proximo ad prolem descenderit.

2do. Nimia corporis plenitudo. Hanc corporis conditionem proclivitatem dare hinc patet, quod pleniores saepe malo tentantur; eandemque cum corpore laxo ac debili conjunctum esse jure concluditur \*.

\* Cullen, ibid. p. 372.

3<sup>to</sup>. Morbos corporis mobilitas, quae, ex ingenitâ corporis conditione, plerumque pendet; et quibusdam aetatibus, prae caeteris, veluti mulieribus, circa pubertatis tempus, pueris, et ex quavis causa infirmatis, exquisitior est. Causarum praedisponentium haec quidem frequentissima est.

4<sup>to</sup>. Conditio corporis, nescio quam, somno effecta. Hujus rei ratio imprimis difficilis est; eandem tamen proclivitatem in epilepsiam multis dare, pro certo constat: hos enim dormientes aut semifomnes, solum invadit.

Hic autem nodus sic forsan solvi potest. Somnum *excitabilitati* quae praegressi stimulatione diei exhauritur, reficiendae dicatum esse, inter medicos jam constat. Huic principio innixi facile concipere possumus, quare morbus noctu saepe, aut mane, invadit; tunc enim *excitabilitas* haud parum necessariè augetur; in eodem igitur ultramodum incitandâ, stimuli multò majori vi his temporibus pollebunt.

5. Terror

5. Terror matri brevi ante aegrum natum, ex conspectu morbo laborantis, et corruentis, incussum.

6. Argentum vivum casu, aut de industria, corpori admotum morbum majorem haud raro concitasse, observatum est. Qui metallis deaurandis, aut hydrargo, ex hujus vena vi ignis separando, occupantur, hi saepe manuum tremore, paralyfi et nervorum distensione, horum malorum licet antea prorsus immunes, corripiuntur.

7. Ingenii acumen. Hoc proclivitatem dare hinc patet, quod morbus reconditiona animo secum diutius volitantibus interdum incessit.

8. Morbi consuetudo, cuius vis cunctarum causarum praedisponentium est maxima.

### CAUSA PROXIMA.

Hanc argumenti partem caliginosam nocte premi observandum est: satis igitur, cum nil proprium suppetit, clariorum auctorum sententias meminisse habebo. Paroxysmus a quibusdam nisus

vis

vis musculosae voluntario tribuitur, qui fit, ut vis cerebri, dolorem levandi consilio, exhauriatur \*.

Hoc autem nil aliud quam mera hypothesis est. Alii sensum et motum ex diversis cerebri partibus oriri ponunt; hi cerebri vim paroxysmo laborantibus in nervis motui inservientibus vehementius augeri; his vero, unde sensus pendent, cessare, aut penitus aliquandiu deleri, hincque somporis, spasmodorumque, rationem reddi posse, opinantur. Quaedam paralyseos phaenomena huic opinioni favere videntur; in illa enim, quarundam corporis partium motus penitus abolentur, dum sensus incolumis manet, et contra sensus interdum prorsus amittitur, dum motus huic damno supersunt †.

Cullenus de proxima morbi majoris causa agens sic loquitur: " With respect to the proximate cause of this disease, I might say, that it is an affection of the energy of the brain, which,

\* Darwin Zoonomia, Vol. II. p. 329, &c.

† Van Swieten. Comment. Vol. X. p. 400.

“ which, ordinarily under the direction of the  
“ will, is here, without any occurrence of it,  
“ impelled by preternatural causes. But I  
“ could go no farther: For, as to what is the  
“ mechanical condition of the brain in the ordi-  
“ nary exertions of the will, I have no distinct  
“ knowledge; and therefore must be also igno-  
“ rant of the preternatural state of the same  
“ energy of the brain under the irregular mo-  
“ tions here produced.”

### PROGNOSIS.

Qui judicium de hujus mali eventu ferret, is  
primò discernere debet, utrum idem idiopathi-  
cus, an symptomaticus fit. Si aeger annum vige-  
sum primum non impleverit; et mali im-  
petus e manifesta causa excitante pendeat, nec  
saepe a morbo inchoato, invaserit; neque gra-  
vior fuerit; aut diu duraverit; idem, causâ  
sublatâ, radicitùs sanatum iri, jure expecta-

mus

\* First Lines. Vol. III. p. 349. 350.

mus. Morbus modò pubertate, modò eruptione super cutem, modò febre intermittente, tollitur.

Si malum autem violentioribus animi affectibus, et praefertim ejusdem motu, in quem aeger est naturâ proclivior, concitetur; si aeger plus annos viginti licet natus, infirmo corporis habitu sit; si morbus, utcunque mitis, impetum saepius, praenuncio nullo hujus indicio praegresso, fecerit; si denique parentes eodem laboraverint, falus admodum improbabilis, si non penitus desperanda, videtur. Malum est itidem, si nervorum distentio annum vigesimum primum circiter agentes adoritur; pejusque adhuc si impetus frequentiores evaferint: saepius enim iterati functiones animales labefactant, nec raro fatuitatem inducunt: modò in melancholiā aut maniam, modò in apoplexiā lethalem, aut paralyſin definit.

Violentiores denique mali tentationes, longis intervallis disjunctae, multò minus periculi quam mitiores saepius iteratae, habent.

RATIO

## RATIO MEDENDI.

Morbus major, prout idiopathicus, aut symptomaticus fuerit, diversa remedia postulat.

Quando ex alio manifestè pendet, de morbi primarii natura, et sede, quae aliae aliàs sunt, primò constare debet. Si vermibus vel acore primas vias irritantibus concitetur; illi medicamentis *anthelminticis*; hic absorbentibus et roborantibus, tolli debent. Dentitio malum infantibus saepe parit; hîc gingivarum incisio, quippe qua harum dolori et irritationi dente erumpente motis, occurritur, votis bene respondeat. In Epilepsia *sympathica* primariae affectionis sedes, aurae originem indagando, haud raro inviri potest: si e vitio organico pendeat, pars, si tutò fieri potest excidatur; sin minus, morbosâ irritatio vesicatoriis, fonticulis, veletiam ferro candente, parti, si commode fieri potest, vel hujus vicinitati, adhibitis, summoveatur.

Si haec remedia expectationem fallant, vel adhiberi nequeant; et aura nervi, cui aditus patet,

cursum

cursum sequitur, vel inde oriri videtur, nexus illum inter et cerebrum intercipiatur. Si aurae origo inveniri nequeat; si per membrum caput versus ascendere sentiatur; instrumentum chirurgicum, *Tournequet*, nimirum, supra membra partem, quâ aura ascendens primo percipitur, admotum, paroxysmum ingruentem saepius arcere, inventum est; et mali consuetudinem sic impediendo, ad idem radicitus tollendum pertinere potest. In aliis denique epilepsiae symptomaticae exemplis remedia, pro primariae affectionis diversitate, diversa manifestè sint oportet.

Secundae morbi speciei, Epilepsiae, nimirum idiopathicae, curatio ex nostra causarum remotarum cognitione itidem pendet. Hic medendi consilia sunt duo, causarum scilicet excitantium seu occasionalium evitatio, et praedisponentium amotio et emendatio.

Causae occasioales, si modò cognoscuntur, facilè evitari queunt: cùmque haec faciendi ratio in promtu est, paucae quidem observationes sufficiunt.

Primo

Primò a nimia vasorum distensione, quae ex morbosa totius corporis plenitudine pendet, et mobilibus praesertim, venas turgere facit, sedulò ab omnibus, morbo majori opportunis, caveatur. Graviores itidem animi affectus, quippe systematis nervosi leges turbando, morbum faepiùs concitantes, diligenter evitandi sunt. In multis quidem exemplis, ubi proclivitas in morbum neque tolli neque corrigi queat, causarum occasionalium evitazione, redditurae tentationi occurri potest.

Nec quidquam majoris ad salutem recuperandam, quām a frequentiori mali impetu cavere, momenti est.

Ad ultimam rei partem, proclivitatis, nimirum, in morbum amotionem, quod perfecta ejusdem sanatio audit, jam devenimus.

Ordo, quem sequimur, duo itidem consilia complectitur.

1<sup>mo</sup>. Morbosae mobilitati ex nimia corporis plenitudine oriundae occurrere.

2<sup>do</sup>. Caeteras mobilitatis, quae ex debilitate directa vel indirecta pendet, causas tollere.

Quod primum consilium attinet: si plenitudo adsit, regimine antiphlogistico, diaetâ praesertim idoneâ, et justâ corporis exercitatione tollenda est. Diaeta ex frugibus, et lacte constare debet. Idoneo harum rerum regimine malum saepe radicitùs sanatum fuit. *Fonticuli* etiam, huic quippe fini respondentes, haud raro insigniter profuerunt. Antiqui fonticulos ferro candente vertici, seu occipiti, admoto, inurebant, cicatrice separatâ, humorum detractionem unguento stimulante parti adhibito per insigne temporis spatium perpetuabant: hâc ratione aeger saepe ad sanitatem redactus est. Hoc autem remedium raro nunc dierum usurpatum: paucosque aegros, qui idem susciperent, si medici etiam experiri voluerent, reperiundos esse, credo. Ipse quidem commodum e vesicatoriis capiti admotis, constantique humorum ex parte exulcerata detractione diu sustentatâ, insigne provenisse vidi. *Setacea* cervici indita pariter profuerunt.

*Sanguinis detractio* anceps quidem, quippe obefitati favens remedium videtur: quoties autem totius corporis plenitudo urget, sanguinisque circuitus

circuitus caput versus praeter naturam augetur ; cuius indicia sunt caput vehementius dolens, arteriae carotides, et temporales palpitantes, facies rubore suffusa ; praesertim si haec signa definitis temporibus redeant, et plenitudinem minuendi ratio neglecta fuerit ; sanguis ex toto corpore, et etiam ex parte maximè laborante, detractus, saepe quidem profuit, solumque est auxilium, cui hîc confidi potest. Haec exinanitio maximè prodet, quando ex vasis parti affectae proximis detrahitur : arteriae *temporalis*, et *occipitalis*, incisio, antiquitus multùm invaluit, et etiamnum a quibusdam anteponitur : venae autem jugularis sectionem, quippe quâ sanguis pleniore rivo profunditur, et facilius fisti potest, haud minus profutura, imo anteferenda, videtur : caveri autem debet, ne sanguis ad animi deliquium usque mittatur : hoc enim, ut vidimus, morbum non solum auget, sed etiam non raro concitat.

*Alvi purgationem* insigniter ad corporis plenitudinem tollendam, praesertim ubi abnormes sanguinis distributiones caput versus se produnt, conferre judicamus. Medicamenta refrigeratoria,

quae

quae alvum leniter movent, *soda nimirum tartarisata*, *soda phosphorata*, *soda vitriolata*, aut *potassa tartarisata*, largâ aquae copiâ liquata, anteponi debent.

*Vomitaria*, quippe sanguinis cursum caput versus augentia, quod saepe morbo majori opportunitatis nocet, cautissimè dari debent: in periodicis autem exemplis, die uno, vel altero, ante accessum administrata prodeesse, observatio docuit. Exemplum hujusmodi juvenis, quem morbus semel mense, plenâ scilicet lunâ, praegresso labii inferioris tremore, indicio vomitionis ferè praenuncio, invadere solebat, a Swietenio narratur; si vomitio, impetu urgente, libera esset, hic brevi decessit, tempore solito reversurus. Vomitio mitis, triduo ante solitum mali accessum, singulis mensibus, indoneis medicamentis, mota, impetum arcebatur: aegerque usu roborantium semestri, et opio simul horâ somni dato, penitus convaluit.

*Graviores itidem animi affectus*, quippe generis nervosi leges turbando morbum saepius concitantes, diligenter evitandi sunt. In multis quidem exemplis, ubi proclivitas in morbum neque tolli, neque

neque corrigi queat, redditurae tentationi, causarum occasionalium evitazione, occurri potest.

His de causis occasionalibus dictis, ad secundum medendi consilium, proclivitatis nimirum in morbum amotionem, devenimus.

Haec proclivitas in morboſa mobilitate, quae ex debilitate pendet, maximè conficit; haecque nisi ab ingenita corporis temperatura provenerit, medicinam ſaepe admittit.

Remedia, quibus hoc consilium absolvitur, ſunt aér frigidulus, balneum frigidum, exercitatio, medicamenta astringentia et tonica. Quoties autem debilitas ex inanitione pendet, vires diaetā plenā vino generoſo reficiantur oportet.

Debilitati occurrenti ratio, praeter jam dictam, ſunt remedia tonica et antispasmodica, vel aliis verbis, ſtimulantia. Tonica ſunt metus, aliquisve modicus terroris gradus, astringentia, tonica quaedam ex frugibus, et metallis, parata, et frigidarium. De his ſigillatim aſtrictiūs agemus.

*Metus*, miranda, qua hic animi motus non ſolum in malo concitando, fed etiam tollendo pollet, vis, ex impubere juventa eodem in valetudine

nario Harlemensi gravius affecta, et a magno Boerhaavio, ut supra narravimus, feliciter sanata, manifeste patet. Febris, ptyalismus, venus, puerperium, et etiam verberatio, morbum interdum curârunt.

*Horror* etiam eodem ferè modo, quo timor huic morbo opportunos afficit, ut ex eodem incantamentis et superstitione antiquitus saepe, ut fertur, sanato, manifestum est. Aretaeus morbo majori obnoxios, cerebro vulturis, aut crudo avis marinae, aut felis domesticae, corde comezo, ad sanitatem redactos fuisse observat. Alii magnos effectus bibendo ex cranio humano, vel aquae haustu ex calice cuius fundo simul infidet bufo, aut calido gladiatoris recens necati sanguine epoto, editos fuisse narrant: ultimam autem ex his remediis morbum interdum auxisse fatentur. Unum aliud tantum ex hujusmodi medicamentis, quippe olim in magno pretio habitum, alces scilicet ungulam, memorabo. Haec ideo invaluit, quod alce malo opportuna olim existimabatur.

Antiqui magnam aliorum hujusmodi remediorum farraginem, quae jam ferè ex toto exolevit, commendarunt.

commendarunt. Quoad effectus nil mihi, eodem quippe nunquam experto, observandum suscepit. Quoties profuerint, hoc, crediderim, ex horrore solo, et fastidio, provenit. Horrendum animi tum corporis motu excitato, catena morbofa, unde proclivitas in paroxysmos pendebat, abrumpi potuit.

*Varia quidem astringentia et tonica ex frugibus derivata religiosè olim usurpari solebant.*

Viscus Quercinus multum antiquitus invaluit; terrore autem, quem imaginationi incutere solebat, amissio, iners jam et inefficax evasit.

Medicamenta amara non sine fructu subinde dari solebant. Cinchonae officinalis cortex. Viquâ hic in corpore firmando pollet, eundem commendat, eique in quibusdam exemplis facile adducor ut confidam: nec defunt quidem casus, quibus manifestò profecit. Experimentis clinicis cel. Professoris Home jure laudatur: malo periodico, morbofa corporis plenitudine non existente, dosibus magnis, aliquandiu ante accessum datis, maximè prodest.

*Tonica*

*Tonica metallica*, quae praefertim ex cupro, zinco, et ferro, parantur, caeteris omnibus longè praestant.

*Cuprum ammoniacum* diu jam in magno pretio habetur: multis enim morbi exemplis admodum profecisse, et nonnulla radicitùs sanâsse, experientia docuit \*.

*Zinci præparata*. Hujus flores, seu *oxydum*, eximum quidem remedium a quibusdam existimatum est; in omni nervorum distentione, et præcipue in illâ, de qua hic agitur, commendante Gaubio, invaluit. Benjaminus Bell in primo Commentariorum Edinburgenorum medicorum volumine, insigne hominis annos triginta quinque nati, hoc malo decennium graviter affecti, qui maximum ex hujus medicamenti usu beneficium percepit, exemplum memoriae prodidit.

*Zincum vitriolatum* itidem laudatum est, et saeppe, sed exitu parum felici, datum fuit.

*Ferrum* tantas corpus firmandi vires possidet,

ut

\* Professor Duncan, Medical Cases, p. 2

ut aliquid inde boni, si majoribus quam vulgo follet, dosibus daretur, jure expectandum sit.

Stannum, hydrargyrum, et arsenicum etiam, beneficio autem nullo, aut ferè nullo, percepto, aliud aliàs, usurpata fuerunt. Argentum itidem *nitratum*, haud parvam existimationem nuper fibi peperit; idem autem non sine periculo esse videtur.

*Balneum frigidum* hoc morbo laborantibus enixè, et ratione virium ejus roborantium habità, jure quidem commendatum est; et ex recens a D. Currie observatis, haud improbabile videatur, quin frigidarium imbriferum, aut totum corpus, urgente vel jam instantे accessu, frigidae immersum, praestantissima paroxysmum curtandi ratio existat. Quoties hoc remedium ingruenti malo occurrit, hoc corporis actione, quae priori morbosae constare nequit, motâ, efficitur.

Si calor gratus, brevi post frigidae usum, in totum corpus non diffunditur; si contrà aeger frigus, aliquosque sensus ingratos, queritur, remedium minimè iterari debet: hîc enim plus mali, quam boni afferet. Frigidarium ideo in hoc

morbo expectationem toties fallit, quòd, in multis ejus exemplis, sensūs torpor adest. Quoties hic est, nil boni sperandum: Porro his, quibus vires multūm franguntur, et praesertim organa, quorum est alimenta solvere, et in sanguinem mutare, infirmantur, praecipi non debet.

Caetera auxilia, quibus morbosae mobilitati occurritur, sunt *Antispasmodica*; quae contraktionis causas saepe impediunt, et summovent, et vim nervosam partem affectam versus auctam minuunt: hinc vis nervosae aequilibrium ubique corporis restauratur, voluntas exul in regnum reponitur, justaque musculi tensio restituitur.

Materiae medicae scriptores plurima hujus classis medicamenta morbo comitali laborantibus commendant. Cullenus eorundem pleraque ex frugibus derivata inertia penitusque inutilia esse notat. Utcunque sit, praecipua medicamenta, quae nervorum distensionem sedandi vi pollut, sive ex plantis, rebus fossilibus, aut animalibus, parantur, memorabo.

*Ab opio*, quippe efficacissimo, incipiemus: haec medicina vim muscularum irritabilem usque eō minuit,

minuit, ut copia idonea, brevi ante accessum expectatum data, hunc efficacissimè arcere queat: exemplis, quibus morbosa corporis plenitudo non est, et praesertim, ubi malum irritatione, aut irritabili vi nimiâ, exoritur, maximè prodeesse solet.

*Aetheris sulphurici*, temptationis initio, vel hâc jam instantे, haustum fatis magnum, eandem fugâsse, aestum ejus faltem saepius repressisse, experientiâ constat.

*Moschus*, de meliore nota a quibusdam commendatur, modò dosibus magnis saepe iteratis assumatur. Prae vi, quâ spasmos componere prohibetur, eò adducor ut ei haud parum innitar: cùm autem nervorum distentione laborantibus nondum datum vidi, nihil certi de viribus ejus hic proferre possum.

*Valerianaæ officinalis radix* diu non solùm in morbo majori sed etiam in aliis affectionibus spasticis usurpata fuit. Professor Rutherford eandem in praelectionibus suis laudat, commodum manifestum ex dosibus magnis frequenter repetitis, saepius se vidisse narrat. Magna hujusmodi medicamentorum

dicamentorum varietas diversis temporibus in hu-  
jus mali curatione adhibita fuerunt; horum  
praecipua sunt, Helleborus albus, Hyoscyamus  
niger, Solanum lethale seu Atropa Belladona,  
Datura Stramonium, Aconitum Napellus, Oleum  
Succini, Ferula Asafoetida, Castoreum, Campho-  
ra, Galbanum, et Ruta graveolens; exempla hâc  
plantâ antiquitùs sanata legimus: in his autem  
morbum ex vermibus provenisse verisimile mihi  
videtur.

Oleum animale, et sal cornu cervi, exitu au-  
tem parum putamus prospero, usurpata fuerunt.  
*Nux vomica* magnis nuper laudibus elata fuit: in  
uno exemplo tentatam vidi; nil autem boni,  
quod percipi potuit, peperit.

*Antispasmodica*, malo instante, aut saepius re-  
deunte, data, maxime prodesse observantur:  
quocunque ex eisdem usurpetur, ita dari debet,  
ut effectus, quem ediderit, nunquam penitus  
cesset; diuque, postquam tentationes redire defie-  
rint, continuetur; donec morbi consuetudo in  
defuetudinem abeat: tempus per quod medica-  
mentum, hoc confilio, dabitur, paroxysmorum  
longitudini

longitudini et violentiae pro ratâ respondeat oportet: dubitari enim non potest quin morbus major, complurium aliorum generis nervosi affectionum instar, semel inchoatus, vi consuetudinis perpetuetur.

Doctor Currie in monitionibus suis medicis notabile morbi majoris, eâdem fere horâ, quoque vespere invadentis, exemplum narrat; quod nicotianae cataplasmate cordis scrobiculo, semi-horâ ante tentationem praevisam circiter admoto, sanatum fuit. Hic remedium animum et corpus graviter affiendo, impetu reddituro occurrit, et obstitit. Idem auctor internum Digitalis purpureae usum duodecim aegris insigniter profuisse comperit: eadem autem prae diris, quae interdum excitat, signis, copiâ curationi absolvendae idoneâ dari non potuit. *Calvariae terebratio* in exemplis mali vehementioribus, postquam caetera omnia remedia frustra tentata fuerint, commendatur: Haec autem, refugium quippe periculissimum, nunquam, nisi quibus cerebri compressio malum concitaverit, aut aliqua cranii pars carie pereditur, a prudente medico adhibebitur.

Benjaminus

Benjaminus Bell, in tertio Chirurgiae suae volumine, tria morbi majoris inveterati exempla refert, quibus hoc remedium tentatum fuit: ex his duo, brevi post periculum, cerebri inflammatis signis correpti, mortem obierunt: tertius, e terebrationis effectibus, morbo tamen nihil levato, aut mutato, convaluit. Jamque varia remedia, faltem praecipua, quae variis temporibus morbo majore laborantibus data, aut laudata, fuerunt, agitavimus: cuncta autem eadem, in multis quidem exemplis, infeliciter tentata, morbum Medicinae opprobrium etiamnum permanere, narrare me piget.

Cùm malum autem causâ aliquâ aegrum subito et vehementius affidente, haud raro concitatur; et vi consuetudinis frequenter perstat; sic causa contraria, quae priori haud minori vi adversatur, omnium putâ corporis et animi consuetudinum mutatio, praestantissimo interdum remedio est: Coeli, igitur, diaetae, vitaeque generis mutatio, inter efficacissima auxilia sëpe invenientur.

F I N I S.